

祁州志卷之六

人物志

祁由漢以降代有聞人其大者德業文章彪炳寰宇次亦砥節礪行積學工文實有不可磨滅者用敢著之于篇夫是非自在人心毀譽應存直道司筆者誌其實不敢阿所好也

名臣

漢

劉祐字伯祖漢宗室胤緒代有名位少修操行學嚴氏春秋小戴禮古文尚書初察孝廉補尚書侍郎閑練故事文札強辨每有奏議應對無滯爲僚類所歸除任城令兗州舉爲尤異遷楊州刺史是時會稽太守梁旻大將軍冀之從弟也祐舉奏其罪旻坐徵復遷祐河東太守時屬縣令長率多中官子弟百姓患之祐到黜其權強平理寃結政爲三

邠州志

卷之六

人物

二

河表再遷延熹四年拜尚書令又出爲河南尹轉司隸校尉時權貴子弟罷州郡還入京師者每至界首輒改易輿服隱匿財寶威行朝廷拜宗正三轉大司農時中常侍蘇康管霸用事於內遂固天下良田美業山林湖澤民庶窮困州郡累氣祐移書所在依科品沒入之桓帝大怒論祐輸左校後得赦出復歷三卿輒以疾辭乞骸骨歸田里詔拜中散大夫遂杜門絕迹每三公缺朝廷皆屬意於祐曰譖毀不用延篤貽之書靈帝初陳蕃輔政

祐爲河南尹及蕃敗祐黜歸卒於家明年大誅
人幸不及禍

唐

張行成字德立少師事劉炫炫謂門人曰行成體局
方正廊廟才也高祖召補侍御史糾劾嚴王太宗
以爲能謂房玄齡曰古今用人未嘗不因介紹若
行成者朕自舉之無先容也嘗以直諫太宗賜襲
衣名馬及錢十萬令與議大政事轉刑部侍郎太
子少詹事佐監國定州太子語以送公衣錦而還

福州志

卷之六

人物

三

令有司登其先墓因薦里人魏唐卿崔寶權馬龍
駒張君劼皆以學行聞爲河南巡察大使轉尚書
左丞又諫太子不宜從幸靈州宜留監國以爲京
師重帝以爲忠遷侍中兼刑部尚書高宗卽位封
北平縣公監修國史卒詔九品以上就第哭比殮
三遣賜內衣尚官宿其家護視贈開府儀同三司
並州都督祭以少牢謚曰定配享高宗廟子洛客
嗣父爵至渭南令

齊泚字洗心少開敏年十四特進見李嶠嶠稱其有

王佐才中宗在房陵澣上言請抑諸武逆太
東宮不報及太子還武后召晏同明殿諭曰
子如初卿預有力焉宜不次待爾澣辭母老罷去
聖曆初及進士第調州司法叅軍有父子連坐論
死者澣欲原其父太守不聽固爭卒原之景雲初
姚崇引爲監察御史睿宗將祀太廟劾裴談攝事
不敬諂事武三思陷敬暉以進挾邪罔上妻淫不
治除之復爲給事中中書舍人論駁及詔詰援引
古誼朝廷大政每諮之號解事舍人崇避位舉宋
璟出其謀也

祁州志

卷之六

人物

四

金

楊果字正卿幼失怙恃金至大甲申進士會叅政李
蹊行大司農於許果以詩送之蹊大稱賞歸薦於
朝授假師令以廉幹稱改蒲城改陝皆劇縣果應
變治劇治行稱最歲乙丑楊奐徵河南課稅擢爲
經歷尋叅議經略史天澤軍時兵革之餘法度草
創果隨宜贊畫民賴以安中統元年命果宣撫北
京明年拜叅知政事及循例罷猶詔與尚書丞姚

禮等以赴省議事至元六年出爲懷孟路總管大
修學廟前嘗爲中書執政官移文申部特不署名
以老致政卒年七十有五謚文獻有西菴集行於
世

賢達

賢達者何達而賢者也官無大小不窮則達業無
高卑可傳則賢次名臣者何非盡其才其學出名
臣下也或器大任小此所遇之不如矣卽遇矣而
時勢或有不能盡其才者雖有建白要視名臣有
間焉故臚列之以次名臣後

鄭州志

卷之六

人物

五

孟業

孟業字敬業家貧少爲州吏性廉謹同輩有盜官絹
者以三十疋與之業拒不受彭城王詔辟爲典籤
天寶初清河王岳召爲并州法曹業貌姸及謁見
心鄙之後考業斷決謂曰卿斷決之明過於軀貌
補河間王郎中令清貧自守累遷東郡太守以寬

惠著名

唐

齊抗字遐舉澣之孫少孤遭亂奉母隱曾積讀書為
文長於牋奏歷官中書侍郎同平章事奏吏部選
人試判訖別請官第上下中書門下遣官覆實其
非任人勿疑之道尚書侍郎皆大臣精選宜令自
覆從之後修國史以病改授太子賓客卒贈戶部
尚書諡曰成

宋

盧之翰曾祖玄暉鴻臚卿祖如海天雄軍掌書記父
宏蔡州防禦判官之翰家貧篤學太平興國舉進
士不得解詣登聞自陳詔聽附京兆府解試明年
登第解褐大理評事知臨安縣累遷殿中丞通判
潞州會契丹入寇募城中丁壯決漳河以固城壁
敵不能下歷西京轉運使建議導淇河合於淮達
許州以便漕運

祁州志

卷之六

人物

六

齊恢唐宰相映之裔第進士判陳州臨政明白簡約
民愛之韓魏公琦薦其賢擢太子左諭德神宗時
以天章待制知相州召糾察在京刑獄稱清平焉

元

賈輔金蒲州刺史以衆歸太祖詔隸張柔攻益州慶
都安平束鹿諸縣皆下之柔開節府於滿城命輔
行元帥府事於祁州柔將兵在外輔常居守累功
改行軍千戶賜金符尋領順天河南等路軍民萬
戶卒

賈文備字仲武輔子襲父千戶職張柔命屯三汉口
備宋兵戰却之乙卯復令襲父左副元帥職兼領
順天路至元九年移蔡州兼水路漕運十五年進
鎮國上將軍狗瓊岸等州及廣州瀕海諸城二十
三年改湖廣行省參知政事二十四年致仕以疾
卒追封武威郡公謚莊武

祁州志

卷之六 人物

明

王坦貢士洪武二十九年授兵科給事中彈劾不避
有直聲

紀文貢士永樂十年授戶科給事中數言事人稱其
鯁歷江西副使貪墨聞風屏跡

翟暉貢士永樂十一年授大理評事平允稱職轉南
太僕寺丞卒於官

袁衡貢士永樂十七年任臨汾知縣愛民如子以仁恕聞

劉涌舉人永樂間任工部主事治政明敏陞刑部員外斷决稱平人以徐有功目之性篤孝友母早逝悲慕不已作孝思堂有孝思詩崇祀鄉賢

丁泰亨先江西人遷祁州由舉人歷都察院副都御史材德並優

李勉成化間知招遠縣仁恕寬平吏民畏愛以內艱歸老穉遮道攀留

祁州志

卷之六 人物

八

郝海進士任禮戶提督四夷清理屯田權豪屏跡出守大同繼遷河東皆著循良之蹟陞任兩淮再疏求退不樂榮利操持甚高崇祀鄉賢

王用賢進士任咸寧令愛民好士薄斂緩刑行取御史彈馭權豪巡視太倉釐革姦弊陞靖邊道僉事築營延綏增城西路晉秩叅議沒於官崇祀鄉賢李鳳監生嘉靖三年司訓象山縣博雅善書古心古貌妻雙瞽愛禮有加其子得金於市命還之日坐蕭齋中課諸生肄業多所發明會督學汪某任意

恣睢辱以醜語鳳掀髯直前厲聲曰大人爲斯支
宗主何躁妄乃爾言不可者三同列皆爲股栗汪
雖剛復亦愧服焉

國朝

劉鋹號木菴拔貢順治六年任袁州府同知郡初恢
復環城皆兵署鎮貪橫困索諸紳士動輒械繫人
心洵洵鋹力爲排解不息則毅然爭之多所全釋
嗣推官王延禔至與鋹同志爲地方請命有不獲
者王倡言於上必得當乃已十月視府篆益加意

邳州志

卷之六

人物

九

保釐飭貪禁暴正遠軍之誤核衛弁之驕嚴營將
之強糴清逋賦之株連力行之無難色尋以計典
女官士民攀轅泣送至今思之崇祀袁州府名宦
劉國英拔貢順治二年任南陽同知時有拐河土賊
李好劫勅境內勢甚猖獗國英與太守王某合謀
陽爲結好約賊會飲乘醉手縛之并擒其妻子南
陽平德州副將馬某矯橫不法有某姑嫂被擄其
家赴愬國英揭其奸狀馬懼出二女二女羞白姓
氏國英給得其情置馬於法並資送諸擄婦歸先

是助勦徭兵馴南陽民苦於供應軍士誣爲民反
將悉屠之國英力爲申辨全活數萬人

杜應甲博學以明經隱居不仕 國初屢徵乃起授
山東黎城縣知縣廉慈多惠政年老致仕邑人建
祠祀之生十子皆有才名

安于仁字長萬貌修偉剛正不阿爲諸生時博極羣
書慨然以經濟爲志中丁丑進士其父誡之曰國
家所以重進士者上爲朝廷下爲生民也爲身家
計誣矣厥後任壺關令多善政凡地方利弊力任
之不撓浮言而公正中饒有清風治行爲山右第
一後以內艱歸哀毀致疾未展其用而卒

王永錫康熙辛未武進士署順慶守備兵變永錫以
大義諭之杖殺渠魁二人一軍以定去之日軍民
建祠祀之打箭爐軍興永錫請以本部爲先鋒建
議疾馳據鐵鎖橋則賊失險勝之易易耳上官壯
之忌者佯謂永錫獨子母老無俾從戎竟不允所
請初營中伍籍缺官冒其餉所補兵率三年後蘇
永錫即被劾下臺髮假欺移官韶州州故有太

平橋關關督某推重其廉思有以資之適順慶商挾重貨抵關關督示旨使謁承錫商具厚幣乞脫其稅承錫厚遇之而却其幣終不爲言年十卒於官

刁承祖傳見藝文志

李友絳字深菴性情渾厚才器卓犖行文具奇氣登戊戌癸卯兩科進士任休寧令寬厚愛民不事鞭朴民感其德數月內完積逋十有三萬邑人立德政碑者不一而未及一載以疾告歸士民如失

祁州志

卷之六

人物

十一

父母卧轍留之家居足跡不謁公庭教授子姓生徒俱後先登第以文章行誼負時望者七十年

李基生字中立英資卓邁博通經史尤究心三禮多所發明遠近學者宗之乾隆丁巳成進士以父友絳老病不赴銓選父促之會奉命分發浙江歷署寧波同知金華泰順兩縣釐奸剔弊有惠政庚午分校浙闈疾作伏枕閱卷所取皆知名士出闈赴淳安任十日而卒聞者惜之

理學

明

金章素講性命之學由正德己卯舉人授浙江提舉處脂膏而不自潤以父憂還除服不起設帳談經四方負笈如雲所成就甚衆有河汾風正己化俗鄉人有過者相勸自新曰奈何使金公知之其爲人信服乃爾

刁包傳見藝文志

國朝

邢州志

卷之六

人物

三

石中璧字藍生性穎異讀書究性命之學嘗語人曰儒者爲學從近思錄入手方是踏實工夫絺章飾句奚爲乎故平生與論時事不答叩以程朱奧旨則諄復不倦至於胸懷洒落又頗具康節風味隱居樂志壽八十五而終二子孟端仲章皆明經

孝友

明

許天胤州學生性篤孝母早逝恤舅遺孤撫養如親弟事繼母委曲感格有閔騫風以麟經授門徒供菽水歡身老翼宮子國士登科甲足跡未嘗入公門嘗拾遺金於道俟其人還之封識宛然天啟初山東倡白蓮教鄉人效尤幾至鼓亂天胤諭以大義曰爾輩縱不惜身膏斧鉞如父母何衆爲解散闔郡獲安君子曰孝子不匱永錫爾類其天胤之

祁州志

卷之六

人物

三

謂乎

徐人豪字振九明經鳴長子也性至孝卓邁嗜學中天啟甲子鄉試父病不能言五子環侍鳴以手撫摩兩幼子且噬其指人豪含淚言曰父以幼弟未成乎兒之任也人傑人俊人文相繼補弟子員而人望舉順治丙戌鄉試咸以爲善承父志當明季流寇蜂起所至蹂躪人豪以紳士義當守城詣州守畫策是時兵集城下有狂夫倡訛言人心洶適人豪立斬以殉衆志乃固而祁城遂得獨全

國朝

高桂字月賓順治元年貢士賦性孝友履行端方甲申城陷卧母柩側不去弟槐幼桂盡讓其產鄉里稱之任尉氏縣令勸學墾荒築堤禦水拯救生民億萬總河制府交章薦能吏第一以勞瘁卒於官郝元功字巨勲州庠生八歲失恃事繼母馬氏色養四十餘年氏性嚴厲稍失意卽怒形於色元功每長跪請罪務得其歡心而後止迨其父卒苦楚備嘗一日家人承母命偶悞大怒元功惶恐失措幾

祁州志

卷之六 人物

十四

不自容戚里憐之代爲踴懇怒始解是時元功水漿不入口者累日厥後馬氏感其孝母子間融融洩洩矣州守吳寶芝廉得其實旌曰祁陽懿德營田觀察使黃世發監察御史戴永椿並表其門戴珩字毅菴性嚴正有經濟才少孤敬承父志事繼祖母繼母至孝撫幼弟成立同居六十年家庭間和而有禮視親戚宗黨公私事輒身先之其恤孤救阨常若不及歿之日門人州里私謚爲景惠先生子三聘暨兩孫縉縉俱登鄉薦

戴三聘字莘野埤子嗜學篤行登鄉薦父子兄弟自相師友四方知名士多歸之雖屢薦不第恬如也性至孝侍父病不解衣帶者七閱月母馬氏素有痰疾侍宿榻旁十餘年中夜聞聲輒起數十次無倦怠嘗冬月遠行值大風雪隻身夜歸其曠刻弗忍離如此及沒盡哀盡禮士大夫皆歎服之事叔父委曲周至尤人所難撫諸姪與諸子同教諭南宮時有生員爲白氏某螟蛉子以叔父暴卒誣陷獄中三聘謂事關人倫子職教諸生可令其寃勿

白乎事竟得白二子縉紳俱獲鄉薦

郭雲城淤村人性至孝貧不能自給傭工以養其父乾隆七年間父病篤雲城焚香告天願以身代終不愈自割其股肉以食之後父果痊雲城亦得無恙郡守楊永吉廉其事月給錢粟以資贍養

按剖股剗肝例有明禁誠恐愚民激烈輕生爲立貞孝之常經也然於剖股引朱子書云誠心爲之不求人知亦庶幾等語何嘗盡薄之乎郭雲城一介庸夫未知書史而至性所噴薄不容泯沒他若

烈婦之以死殉者亦並載列女蓋國家之典常與閭閻之激賞固有並行不悖者矣

張德新性至孝十六歲喪父哀毀異常事母定省無間母或少忤意和顏侍立終日不倦舅氏王某貧不能自給德新迎養於家更時出米麵布帛令舅氏歸遺妻子堂伯父無子德新生養死葬之無缺禮戚族貧之者亦時緩急之無德色

論曰孝本庸德行亦達道然平居談論高出前人至按以家庭之節反不免有愧色者雖士大夫亦難言之如祁之許天胤諸人較古所稱丁郭陸楊輩未知何如而一念之誠無忝庸行亦可以風矣

文學

元

董珪字君章幼讀書日記數千言嘗隨父見道傍古碑父使視之一覽悉記父大驚乃遣詣學就明師遂卒業登至治辛酉科狀元授承事郎定州路同知後知潁州

李齊字公平幼博通書史長善屬文登至順癸酉科狀元授奉訓大夫太常博士後人與董珪並立祠祀之

祁州志

卷之六

人物

七

國朝

刁再雍字過之沉靜力學淹貫經史承叔父蒙吉命以教學爲已任士多從之尤好恤孤濟難多所全活至今猶稱其德蒙吉易簣之夕以兩弟再濂再洛尚幼屬以成立再雍承遺命教誨之不殫辛勤浹歲兩弟俱補弟子員厥後再雍名貢成均所著有勸學箴藏於家

安靖方字清卿平居家貧少孤事母以孝聞母病篤嘗糞甜苦與弟寧方友愛倍至翁如也而姿尤聰

頴讀書過目成誦弱冠博通經史子集名震一時
由拔貢登鄉薦屢躋春闈而恬淡自安不輟吟唔
嘗曰吾輩當以孝弟忠信爲本文章科名猶膚末
耳司鐸鹽山興文課士不然一變引疾歸至老手
不釋卷學者宗之稱文靜先生

趙鴻溥字遠公性醇謹寡營步履不失尺寸循循有
古君子風凡經史子集無不編摩成帙行文規倣
先正而妙有心得從遊於門下者甚衆以歲貢授
南和司訓勤於課士和邑以安定目之歸休後猶
有八無疾而終子耀甲登進士

徐在卿字宣子康熙丙子拔貢才氣豪俊事關大義
者輒身先建白而待人則溫溫不露圭角爲鄉黨
所倚重少有文名一時好學之士從遊甚衆主持
祁之文牘者三十餘年嘗作文示諸生刻燭立就
遠近宗黨間多所作成時有某以積欠被逮在卿
憐其貧出資脯與之得免罪其慷慨好義有古俠

士風

王肅字畏之生員性醇謹家貧嗜學潛心經書體州
不給淡然不爲意積三十餘年所著有四書講義
二十八卷尚書講義十卷

趙耀甲字青旭性恬淡質實除正學外一無所好宅
後建小閣羅列經史子集以及時賢著作閉關誦
讀歷二十餘年積勞失血屋地幾赤其功不輟甲
辰成進士循例選楚雄令不就改龍門教諭訓課
邑士具有學規可循文風丕變耀甲平居讀書多
妙悟行文有心得著述甚夥而雅不喜存稿至今

學者重之

刁顯祖字紹武雍正己酉舉人性疏越博學工詩古
文辭嘗聯社以誘掖後進遇忠孝節烈事尤樂道
不倦隨兄承祖遊南國名山大川悉周覽之而文
章益進壬子科應聘山東同考所拔皆名下士厥
後以屢試不第絕意仕進晚年尤精於易理所著
有耕心錄

忠義

明

李森正德辛未流賊卒至森被擄乃曰我良民也豈汝從無寧有死而已賊殺之

鄭秀幼有膂力正德時寇至秀率衆以禦發矢斃賊三人賊盡力環攻衆潰以走秀挺然力戰死之郭鳴世僑居郡城方寢疾甲申之變開城陷衣巾端坐賊入持棒擊之力竭而死

論曰死者忠之一節不必謂忠皆當死亦不必謂

邠州志

卷之六

人物

三

死盡關忠第天地之正氣根於性命其時窮勢迫而奮不顧身者亦仁義之道則然况睢陽回而江淮全王蠋經而臨淄奮是亦死者之功也名也若李鄭諸人生未縮半通之綬可以無死顧見危授命之死靡他不尤難哉

高行

明

刁克俊天啟元年恩貢隱居不仕樂育人才貧乏者
贍其衣食成就甚衆歲饑捐私廩煮粥賑之全滬
多人遇里人爭訟評其曲直無不立解者以故爲
州人所信服明末軍需派草織數百萬責民輸之
州守聚紳士而謀焉羣推公素爲人服勸之必從
可省差擾也於是公爲勸單不兩月如數以辦民
不知有此大役殺門人州里同立報德祠祀之

祁州志

卷之六

人物

三

國朝

李繼渤字濬公康熙己卯舉人性醇謹恬靜寡言笑
動履不失尺寸亦復寬厚待人僕嘗盜其粟家人
告之置不問有無賴某屢犯不與較且厚賙之其
人犬慚嘗與父老聚談稍涉毀譽輒引避鄉黨推
爲長者州牧王儀其行擬以孝廉方正薦力辭弗
就厥後銓期已逾卒不謁選博野侍郎尹會一以
端詳步履由中道恬淡胸襟養太和移贈之卽其
生平實錄云

善行

國朝

劉鳳翹字鳳起性穎異初學爲文卽走筆驚人登賢書後屢試不第亦夷然自若事母孝事兄恭撫諸弟姪以仁愛聞人乞貸之從無吝色有霍姓負債欲立券賣產以償翹憐其苦還券而遣之又劉某因事嗔怒於官翹代爲白之寃因以雪子二濟淑皆以文章名

鄭士英庠生生彌月失怙母張氏守節教之成立多

祁州志

卷之六

人物

三

善行修奎星樓木悉出其家約值二百餘金同族上虞令虧帑金五百士英慨爲完補嘗歲歉人負欠至三千餘兩士英惻然白於母立焚其券祁人義之

劉淑壬午舉人爲諸生時噶爾丹犯順淑竭力輸穀百石以爲祁人倡督院于公義之額其門曰好義且贈格言云知足者貧賤常樂不知足者富貴亦憂

王紹緒字繼志鄉飲耆實平生喜修理橋梁施猪龍

河渡船一隻捐地四十畝贖水手船工方竣突遇
河水漲發馬庄村將就湮沒紹緒親督水手來往
濟渡全活一村州守張祖訓旌其門曰樂善爲風
義渡積今四世不廢孫其昌暨曾孫麟鑣相繼登
科

鄭希聖字景尼拔貢生慷慨好義施沙河唐河義渡
船二隻並地五十畝以贍水手至今賴之

張漢傑有傳見藝文志

張金亮少貧乏以勤儉起家性仁厚喜利濟人雍正

邢州志

卷之六 人物

三

三年間連歲饑饉斗米千錢金亮施穀八十餘石
蕎麥六十餘石錢數萬族戚賴以存活者甚多年
七十餘卒子世傑登武科

趙昌言字德菴與弟拔貢生昌臣友愛成性同志濟
人設義倉入地一頃九十八畝爲義田以濟之又
立義學一座教鄉民之俊秀者當事屢旌其門
安旭彩鄉飲耆賓醇厚好施捐產創修劉羅木橋一
座長五十餘丈鄉人義之

列女

明

郭氏庠生李志銘妻年二十二夫疾亟謂郭曰我恐不復與汝少無子身無所依奈何郭曰萬一不幸我當同棺言畢而夫逝郭亦潛入卧內自縊死與夫偕殯焉學正黃巖具上其事詔旌其門

張氏郝廷璋妻年二十夫卒孤聰尚幼張氏撫之長生孫尚臣已而子故孫亦故與二婦孀居熒熒在室時則年六十餘矣正德辛未賊至知其少婦新

祁州志

卷之六

人物

六

寡索之張罵不絕口遂遇害

紀玉環紀文理女年十六流賊至其室欲污之女堅貞自守賊曰汝不怕死乎玉環曰我死骨香豈肯爲汝磔狗玷耶賊怒殺之去

馬氏董大學妻大學亡馬氏孀居姑利他人聘金私與定盟迨氏改嫁氏痛哭三晝夜投繯死天啟六年知州郭應響表其墓樹碑勒銘

周氏戴宗坦妻有傳見藝文志

王氏李景芳妻夫故幼而無子力作養姑誓不更適

守節五十二年成化時詔旌其門

魏氏李順妻年十九夫卒遺孤未期矢志自守有以他意諷之者魏曰義以立信信以成命吾知有義命不知其他姑欲奪而嫁之魏入室自經姑覺而止卒罔奪其志知州魏廷相奏聞旌表

邢氏廩生田秉妻年十九夫卒氏懷遺腹家無卓錫守死育孤克昌其世婺居七十六載足不踰闕嘉靖時旌表其門

王氏江廷寶妻生子栢三歲寶卒氏養舅姑盡孝撫

邢州志

卷之六

人物

五

孤盡慈婺守六十載孫江子澗登賢科子潤郡學生時以爲苦節之報云隆慶時知州周濟用表其門

李氏王應臣妻年二十歲夫逝孤道成在襁褓寡姑垂白在堂上下無依氏事姑竭力教子義方道成旣長餼學宮暨孫可大皆名士

張氏庠生趙繼祖妻年二十五歲子長思明三歲次思忠一歲夫卒老姑在堂家無宿春糧父母欲奪其志氏矢死靡他辛勤紡織易米養姑育子姑終

喪葬如禮子思忠暨孫大韶皆饒學官氏享年七十餘州人稱之

賈氏北羊村田自明妻年十九歲生子三畏甫六月夫故氏慟哭欲以死從父母姻族強其改嫁氏以姑老子幼誓志全節遂去容飾躬織衽事姑盡孝訓子有成五十餘歲始終無二

鄭氏生員李志道妻年十九夫亡遺孤維藩在襁衽氏以死節易撫孤難遂爲其難者且其斃斃無依惟日躬績紡佐孤就外傳藩以歲薦任廣文畢厥

邢州志

卷之六 人物

美

志焉萬曆中詔旌其門

張氏劉世朝妻年二十一夫亡氏欲以死殉絕粒五日因母姑苦諭始勉而稱未亡人至年荒則易粟奉姑鄰饑則減食救餓孝義慎節並高於時萬曆中詔旌其門

胡氏刁天錫妻年二十有三夫亡遺孤三歲氏號痛欲絕飲食不下咽者累日舅姑再三泣勸始忍死撫孤家貧朝夕泔泔以奉菽水督孤讀書至丙夜不休舅姑相繼亡氏竭蹶治喪如禮年踰八十卒

曾孫克俊舉明經元孫基命登賢書皆氏力也
吳氏王一儒妻年十八夫卒氏懷孕投繯欲殉其姑
立諭曰吾兒絕續全望汝腹中一塊肉奈何輕引
决氏乃忍死守喪奉姑育嬰教訓成人孀居六十
三載孫名藩巨藩皆餼廩學宮天啟中詔旌其門
劉氏邵芳妻年十九夫卒遺腹生子自敏矢志孀居
始終如一自敏長餼宮皆氏和熊督課

倪氏王家賢妻年二十三夫亡有三歲孤子七十孀
姑氏痛哭三晝夜不食甘殉夫死姑苦勸曰爾死

祁州志

卷之六

人物

三

如我何如幼子何氏乃含辛孀守自艾至老永無
間言

趙氏庠生劉化妻年二十夫亡氏事舅姑盡孝撫二
歲遺孤訓教成人內外肅如終身不二

國朝

戴五姐康熙五十七年旌表有傳見藝文志

張氏儒童宋士英妻年二十二夫故父勸改嫁氏痛
哭不食夜投繯死

焦氏寧超字妻氏兄以妻歸寧召氏為炊鄰人胡八

兒往借轎轎見氏獨炊挑之氏大罵詈八兒怒以力刺之立殞俄復甦奔八兒家大罵如初越十日死時年二十一現在請旌

王氏孟縣守備張金聲妻夫故守節教子重華成名康熙三十四年旌表

吳氏庠生張重華妻姑媳雙寡兩世貞操康熙三十四年旌表

王氏杜三魁妻雍正年間旌表

崔氏增廣生劉士俊繼妻

祁州志

卷之六

人物

天

王氏生員張連繼妻 俱雍正十二年旌表

劉氏監生宋來遠妻

鄭氏儒童陳魁萬妻

吳氏王纘緒妻年二十三子永錫生八十月而夫死

比義方教子不少姑息永錫已成武進士偶爲菓

子戲氏知之怒永錫免冠俯伏求解不得答十數

乃已永錫官順慶時南充令渠令具厚幣爲氏壽

鄰之曰奈何以貨爲禮乎後二令竟以賍敗打前

爐軍典上官以氏老婢永錫無與征氏聞之不

令永錫再請上官聞而歎服年八十有四卒封恭人

季氏李榮妻

金氏辛卯舉人清豐教諭李白生繼妻乏嗣零丁孤苦茹荼自甘守節五十餘年

蔡氏陳詢妻

耿氏監生牛德正繼妻十七歲于歸六月夫亡氏養老撫孤備極艱苦

馬氏儒童吳朝品妻 以上俱雍正十三年旌

祁州志

卷之六

人物

三

王氏儒童吳巒妻

趙氏生員杜三秀妻 俱乾隆二年旌

王氏儒童趙培性妻二十一歲夫亡撫孤之英勤紡績嚴內外依夫兄培元度日家無間言

周氏儒童趙之英妻二十歲夫亡撫孤汝霖與孀姑同居一室孝養備至教子入泮成名 俱乾隆三年旌

年旌

呂氏儒童賈獻之妻乾隆四年旌

劉氏增廣生鄭鏞妻年少夫亡矢志守節教子之機

八泮督學錢陳羣表其門曰勁節凌霜

蕭氏儒童二賜祝妻

趙氏宋瓚妻

陳氏儒童李逢貴妻

田氏儒童馬珮瑄妻

以上俱乾隆五年旌

張氏生員徐希聖妻

王氏趙志妻

馮氏陳萬言妻

曹氏儒童王恒祥妻

祁州志

卷之六

人物

三

王氏郭大智妻

宋氏王杰妻

以上俱乾隆六年旌

呂氏江仁俊妻乾隆七年旌

邵氏郝光祖妻乾隆八年旌

劉氏吳玉秀妻

趙氏姚曰允妻

李氏胡維炳妻

靳氏季之枚妻

焦氏儒童刁興祖妻二十三歲夫亡遺孤僅六月氏

久志相舟後孤天志益篤撫夫仲兒子錦爲嗣教之成立登戊午科賢書旌曰節孝雙全

鎖氏劉奉全妻 以上俱乾隆九年旌

鎖氏劉名山妻乾隆十一年旌

劉氏生員李萬欽妻

鄭氏張喜福妻

趙氏儒童郝善述妻 以上俱乾隆十一年旌

劉氏王讚妻

王氏呂光前妻

祁州志

卷之六

人物

三

王氏宋中美妻 以上俱乾隆十二年旌

王氏儒童戴承業妻乾隆十三年旌

王氏陳洪儉妻

李氏儒童楊敬祖妻

官氏儒童楊存禮妻

楊氏安尚妻 以上俱乾隆十五年旌

王氏趙樑妻年十七許字未嫁而夫病娶婦以厭之

閱二日夫歿其家欲其改適氏不可嗣後衣不蔽體食不充飢艱辛萬狀誓以死守年七十餘疾革

語人曰吾事畢矣吾得以貞女見夫君於地下矣
言訖而卒

李氏史可達妻生子方三週夫亡守節撫孤成立後
以疾卒氏痛極致病卧牀數年六十四歲而卒

王氏儒童沈澤長妻二十七歲撫孤守節教子仲默
入泮後仲默亦卒氏偕媳賈氏同勵水操鄉黨咸
歎服之

陳氏沈澤長弟生員沈澤廣妻年二十一歲夫故無
所出以姪爲嗣節操皎然

邠州志

卷之六

人物

三

賈氏沈仲默妻節婦王氏之媳夫亡時年二十三歲
無子以姪爲嗣與孀姑寡孀兩世同心人稱一門
三節

邊氏張成顯妻二十二歲而寡孝翁姑撫孤子苦節
四十餘年

孫氏儒童閻文瑞妻年二十五夫故氏撫姪爲嗣艱
苦備嘗者三十餘年

張氏宋英明妻年少失所天無出繼姪爲嗣依以終
身

胡氏郝忠妻十八歲守節歷四十七年勤苦備至
魏氏張其鑄妻十八歲夫亡子玉麟甫四歲家無伯
叔兄弟氏養親撫孤備極艱辛釀成眼疾苦節三
十餘年

張氏儒童劉玉馨妻十九歲夫亡氏篤志守節事翁
姑以孝聞教遺腹子岐入泮苦節三十餘年

鄭氏王克明妻二十八歲夫故家貧子幼立志堅貞
守節三十二年

張氏陳致堂妻二十七歲守節撫孤養親四十年如

一日

甯氏王舜邦妻二十一歲孀居守節五十二載

鄭氏儒童張純仁妻年二十夫亡姑近七旬遺腹子

越三月始生零丁孤苦孝養孀姑教子世御入泮

張氏生員焦淑妻二十三歲夫故撫四歲孤子成立
守節三十餘年

李氏宋景啟妻夫故守節教子躍龍入泮州守李肇

宗表其門曰壺則母儀

周氏喬文淇妻年二十一文淇卒其弟文浴繼歿妻

郝氏二十一妯娌同心孝翁姑撫養孤子相得如姊妹

李氏崔六妻二十四歲守節備嘗孤苦歷五十餘年
孟氏鄭之樞妻二十三歲夫亡守節事姑教子苦節
四十三年

葛氏劉起妻年二十五夫亡堅志守節事翁姑養葬
盡禮撫孤子至於成立

劉氏宋琚妻年二十四夫故遺孤方三歲氏矢志堅
貞撫養孤子成立

祁州志

卷之六

人物

三

賈氏周志賢妻二十六歲孀居孝養翁姑撫孤成其
家室

王氏張成說妻年二十六夫亡翁姑就衰子女俱無
氏矢志守節不苟言笑事翁姑以孝聞

甘氏孫賢妻年二十七夫亡家貧守節撫孤成立壽
至八十一歲

靳氏朱喜忠妻年二十二夫故遺孤二歲翁姑在堂
事上育下苦節四十六年

崔氏生員張元勳妻自二十歲守節孝養翁姑盡誠

盡禮姑年至八十出入扶持慇懃倍至撫前啞女
凡養育訓誨及擇配遣嫁無一不曲體啞女之心
雖已出無以加

常氏張奇珍妻自二十五歲夫故兩世翁姑遺孤八
月氏仰事俯育一身捫搗垂四十三年

鄧氏楊成宗妻年二十三夫亡姑近七旬遺孤四歲
氏備嘗艱辛苦節三十餘年

王氏李入林妻年二十六與妾張氏俱無所出入林
卒同心守節以姪爲嗣歷三十餘年如一日

邢州志

卷之六 人物

三

趙氏生員靳宗文妻年二十九夫亡無所出以紡績
度日苦節三十七年

吳氏劉可妻年二十四夫亡計苦節八十餘年

王氏張景富妻年十八夫亡孀居廣行善事捐地二
十一畝入大王廟冬月施粥四年五十八歲卒

趙氏姬紹武妻年二十二夫亡篤志守節至今七十
歲計節五十年

周氏楊棟用妻年二十五夫亡遺孤在抱氏事姑教
子入泮後子疾卒與寡媳相依現今六十歲

田氏楊成業妻年二十六夫亡撫幼子孝翁姑守節三十餘年如一日

安氏杜三無妻年二十二歲守節冰操三十三年張氏監生杜燦妻自二十歲守節三十餘年

王氏劉榮曾妻二十五歲夫故養翁姑撫孤子守節三十年

趙氏王新德繼妻十七歲歸新德七閏月夫亡前子方四歲氏撫養之如已出守節三十五年

邢氏李思仁妻年二十六夫亡撫養嗣子入泮守節

祁州志

卷之六 人物

三

四十五年

李氏劉鵬翼妻年十七夫亡守節三十五年

李氏王文憲妻二十二歲夫亡子女俱無苦志守節至今三十七年

王氏許成秀妻年二十四夫亡紡績撫孤守節三十四年

魏氏儒童高君漢妻二十六歲夫亡撫五月遺孤成立苦節四十七年

李氏張盡忠妻二十四歲夫亡姑老子生僅六月氏

苦志守節至今三十四年

張氏劉楷妻楷雙目失明無子早亡氏年二十六零
丁孤苦守節三十四年

趙氏王賜璽妻自二十二歲夫故節勁孝純以勞瘁
卒

朱氏王學明妻年二十八夫亡守節四十四年

苑氏王成海妻年二十六夫亡守節三十四年

王氏趙才妻年十九夫亡矢志撫孤積令七十一歲

劉氏甄漢利妻年十九夫亡守節四十一年

祁州志

卷之六

人物

三

張氏王成斗妻年二十四夫亡守節至八十七歲而
卒

寇氏韓兆鰲母十九歲守節教子成人學院吳應棻

額其門曰永勵冰霜

李氏趙相如妻年十八夫亡子女俱無撫嗣子成立
守節三十一年

馬氏牛必達妻年二十三夫亡守節四十二年

熊氏劉述曾妻年二十六夫亡守節現今五十四歲

冰操始終如一

李氏尹公儀妻年二十二夫亡守節撫孤教子
入泮苦節三十八年

王氏生員尹起莘妻年二十五夫亡婆媳相依撫養
遺孤守節現今四十年

劉氏王之玉妻年二十四夫亡守節六十一年

李氏張翊妻二十六歲夫亡守節四十八年

章氏張希賢妻年二十八夫亡家貧如洗矢志撫孤
苦節三十八年

婁氏周雲鳳妻乾隆十二年冬夜獨居張九朋突入

祁州志

卷之六 人物

美

調姦氏大喊詈九朋持刀扎傷死而復甦自冥事
越日而絕至十四年九朋正法氏旌表給建坊銀
三十兩

趙氏庠生郭培桐妻二十歲夫亡守節至今三十
年

杜氏袁三球妻十九歲夫亡守節至今三十七年

汪氏王在湖妻二十七歲夫亡守節至今三十年

鄭氏李成柑妻二十六歲夫亡守節撫孤四十二年

王氏馬佩珍妻二十八歲夫亡無子繼夫姪爲嗣守

第 四 十 年

姚氏馬驄妻二十歲夫亡無子撫夫姪為嗣守節四

十年

齊氏張偉妻二十八歲夫亡守節至今三十三年

段氏楊繼榮妻二十三歲夫亡撫孤守節四十三

馬氏沈思禮妻二十六歲夫亡無子繼嗣守節四十

七年

石氏郝從政妻二十八歲夫亡守節四十一年

王氏庠生李種玉妻十七歲夫亡守節至今三十

神州志

卷之六

人物

三九

姬一喬心少妻苦節四十七年壽七十三歲卒

于氏夏有禮妻二十四歲夫亡無子繼嗣守節四十

八年

石氏張其禮妻二十一歲夫亡守節至今四十年

林氏孫來芳妻二十三歲夫亡守節至今五十二年

王氏閻喜印妻二十八歲夫亡守節至今三十二年

秦氏孫允文妻二十四歲夫亡無子繼嗣守節六十

二年

呂氏劉适妻二十三歲夫亡守節八十四年年一百

六歲 又見
六年

崔氏郝 妻二十六歲夫亡守節五十六年

論曰劉向著列女傳所稱賢如貞婦可法則者非
僅守從一之節而已然而婦无攸遂安常處順無
得而稱述之不幸遭逢不偶矢志靡他或慷慨捐
驅或從容就義事非一致同為完節其已旌者錄
之而未旌者亦不恐湮沒不彰也

附六年

劉适妻吕氏年一百六歲 劉可妻吳氏年百餘歲

祁州志

卷之六 人物

罕

賈 妻陳氏現年九十九歲有二子八女長女嫁

陳姓年八十二歲次女三女四女皆七十餘歲五
女六女七女皆六十餘歲八女五十二歲長子仲
賢年五十六歲次子三學年五十四皆現存署州
羅旌門曰瑞有餘慶

